

# ዓስቲሮ ማፃኣፖ ዓይያ ካሮ

ዓስቲሮ ማፃኣፖይዳ ኬኤዚነታ ዲማ ዲማ ማዲነቴ ባካ ፓርሴ ካኣቲ ባርጎ ዎዶና ናንጋ ቤዘይዳ ማዲነቴ ባኣዚ ማዳዘ፡ ባሼ ሃይሳ ደዲሺ ኬኤዚነቴህ ዴኤፒ ጫርሹሞና፤ ሃሃ ፔ ዴሮ ዲናፓ ናሽካያ ማዲያና ፔኤኮ ዴሮ ሞርካ ባይዙሞጉዲ ዓውሴ፡ ዓስቲሮ ጌይነታ ፔቴ ዓይሁዳ ላኣሊታፖ ጎኦባ ዔርቴያ ማዔስከና ዛላኬ። «ፑሪሜ» ጌይነቴሞ ዔርቴያ ማዔ ቦንቾ ዓይሁዳ ዓሳ ቦንቾያ ዓኣኔ፤ ማፃኣፔላ ዬና ቦንቾሎኮ ዓይያና ዓይጎሮ ቦንቾነታያታቴያ ኮሺ ኬኤዛኔ።

## ማፃኣፔላ ዲማ ዲማ ዓርቁ ባኮ

- ዓስቲሮኮ ጌኤሾ ማዲያ (1:1—2:23)
- ሃማ ዓይሁዳ ባይዛኒ ማሌህ (3:1-15)
- ዓስቲራ ዔያቶ ማኣዶም ሜርዴኪዮሴ ፆኦጮህ (4:1-17)
- ሜርዴኪዮሴኮ ቦንቾነቶ (5:1—6:14)
- ሃማ ሃይቃንዳጉዲ ሞጊነቴህ (7:1-10)
- ዓይሁዳ ዓሳ ፔጊዳ ሙኬ ሞርኮ ፆሊ ባይዘህ (8:1—9:19)
- ፑሪሜ ጌይነታ ቦንቾ ቦንቾያ (9:20-32)
- ዓርጻክሲሴና ሜርዴኪዮሴናኮ ዴኤፑሞ (10:1-3)

ጌኤሾ ዓስጻኖ ጌይነታዛ ካኣቲ ዓርጻክሲሴም ዎይዘ ዓይህ

1 ዬና ዎዶና ካኣቲ ጻሪኪሲሴ ሂንዴ ዓጫፓ ዴንዲ ዲቶጲያ ሄላንዳኣና ዓኣ ጻኤታና ላማታሚ ላንካይ ማዓ ዓጪ ዎይህያኬ።  
2 ዓማና ካኣቲ ዓርጻክሲሴ ሱኡሳ ጌይነታ ቤዛ ዓኣ ካኣቱሞ ማኣራ ናንጋኔ።

3 ዒዚ ካኣታዴነቴ ሃይሃሳ ሌያና ዒዛኮ ደንዘ ማዔ ቢታነታ ዓኣ ዓሳነታ ዲማ ዲማ ዓጮ ዎይህ ዓሳነታም ቢያ ዴኤፒ ሙኡዚና ዑሽና ኬሊ ዒ ጊኣጊሽኔ፤ ዬያ ሙዎ ኬሎና ፓርሴና ሜዶኔ ዓጮናኮ ፆሎ ዓሳ ዓይህ ዓሳ፡ ዲማ ዲማ ሱኡጎነታ ዲማ ዲማ ዓጮ ዎይህ ዓሳነታ ሙኬኔ።

4 ካኣቲ ዬያይዲ ላሆ ዓጊኒ ሄላንዳኣና ዒዛ ካኣቱሞጋራ ዓኣ ቆሎ ሚርጉሞነታ ካኣቱሞና ዒ ቦንቾነታ ቦንቾሞ ፔጋሲ ዳዌኔ።

5 ዬካፓ ሃሃ ካኣቲ ዒ ካኣታዲ ዴዒ ዓኣ ካታሚሎ ሱኡሳይዳ ናንጋ ዓሳም ቢያ፤ ጌይፆ፡- ፆርጎጮነታ ማንቆነታም ቢያ ሜሌ

ሙኡዚንታ ዑሽንታ ኬሊ ገአጊሹኔ፤ ካአቱሞ ማኣሮኮ ቲኢያ ጋራ ዲማ ዲማ ቱኮና ሚህሂ ዓኣንቲ ዒኢካ ዬና ሙዓ ገአጊሽንቲኔ፤ ዬይ ሙዓ ለንካይ ኬሊ ሄላንዳኣና ሙይንቲ ጎይህ ዴዔ። 6 ዬና ዲማ ዲማ ሚያ ቱኮና ቤዘላ ቦኦሬ ፑኡታ ጉኡዲሲ ሱኪ ኮሾና ዲንኪ ጎኦቦ ዓፒላና ሚዛጲሲ ጎኦቦናያኬ፤ ጎኦቦ ዓፒላ ጮልዔ ፓቲሌና ኮሽንቲያኬ፤ ሃሃ ሹቺ ቢራ ዓንገና ሱሂ ጉኡሬ ኮሻያ ሚዛጲ ሹቺና ገአጊሾና ቱርቱሪዳ ሱዲንቲ ዓኣኔ፤ ዋርቁና ቢራ ዓንገናፓ ኮሾና ቃሚሂ ሻኣላ ቦኦሬና ዘቁና፤ ጨኢጮ ቡኒ ማላያንታ ዲንኪንታ ፖፖዓ ሚዛጲ ሹጮ ሂኢሂ ገአጊሾናያ ሳያይዳ ጌሂንቲ ጌሂንቲ ዓኣኔ። 7 ዬያጉዲ ሃሃ ዋርቁ ዓንገና ኮሽንቲያ ዋሊ ማሉዋ፡ ዲማ ዲማ ዑሽ ዑሽኮ ዓንገና ዑዠ ዓሶሞ ዒንገንታኔ፤ ካአቲ ዒማና ፔ ኮሹሞና ዋይና ዑዠ ዑሃ ዓኣሂ ገአጊሹሂሮ ዋይና ዑዠ ኮሽ ዲቢኬ፤ 8 ዓሳ ፔ ዳምቦ ዳምቦ ጎይያ ኮዔሂጉዴያ ዑሽካንዳጉዲ ካአቱሞ ማኣራ ማዳ ዓሶሞ ካአቲ ኬኤዚ ዓይህኔ።

9 ዬይ ዬያይዲ ማዳንታኣና ጌኤሻ፡ ዓሰዲና ካአቱሞ ማኣሮይዳ ላኣሎሞ ሙኡዚንታ ዑሽንታ ገአጊሹኔ።

10 ሙዖና ዑዠና ዓርቁንቲ ለንካሳ ኬሎና ካአቲ፡ ዓርፄክሲሴ ዋይና ዑዠ ዑሽኪ ሚሽኪ ዋዛዳያ ሚሁማኔ፡ ቢዝታ፡ ሃርቦና፡ ቢግታ፡ ዓባግታ፡ ዜታሬንታ ካርካሴንታ ዓሸቲንቁ ካአቱሞ ማኣራ ማዳያታንቲ ዔያቶ ለንካዎንሂ ዔኤሊ፡- 11 «ጌኤሻ፡ ዓሰዲና ካአቱሞ ማኣሮ ማኣላሂ ማይንቲ፤ ሃሃ ቦንቸሮ ዓሳ ባከዋ ቶኦካ ዓገንቲ ሃይካ ዬዓንዳጉዲ ኬኤዙዋቲ» ጌዔኔ፤ ካአቲ ዬያይዴሂ ጌኤሻ፡ ዓሰዲና ሚርጌና ሚዛጲታሂሮ ዒዛኮ ደንዞ ማዔ ቢታንታ ዓኣ ዓሶንታ ሾኦንታ ቢያ ዒዞ ዛጋንዳጉዲ ጌይኬ። 12 ጋዓንቲ ዔያታ ዬያ ካአቲኮ ዓይሂያ ዒዞሞ ኬኤዛዛ፡ ዒዞ ካአቲ ቤርቶ ሙኪያ ዒዔኔ፤ ዬይ ካአቲ ሚርጌና ዳጋሴኔ።

13 ጌኤሲ ዋጌና ዳሞቤና ጌሰቲ ኩንሃ ጎይሂ ዔራያ ማዔ ዓሶ ያኦጨሂ ካአቲኮ ዔርቲ ማዳኬ፤ ዬያሮ ዬና ዋደ ባኮ ዛሎ ፐዚሲ ዔራ ዓሶና ዋላ ዒ ዒማና ዘርታኒ ዓሶ ዔኤሊ ዔኪ ዬዔኔ። 14 ዬያታ ቢያ ዋደ ዒዞ ዘራኒ ዳንዳዓ ዓሳ፡- ካርሼና፡ ሹታሬ፡ ዓዳማታ፡ ታርሺሹ፡ ሜሬሴ፡ ማርሴናንታ ሜሙካኔ ጌይንታያ ዒ ካአታዲ ዋይሃ ዓጮይዳ ዳኤፐ ቢታንቶ ዓኣያ፡ ፓርሴና ሜደኔ ዓጮናይዳ ሱኡጌ ማዒ ማዳ ለንካይ ዓሲኬ። 15 ካአቲ ዬያቶ ዘራ ዓሶ ኮይላ፡- «ታኣኒ ካአቲ፡ ዓርፄክሲሴ ጌኤሾ ዓሰዲና ሃይካ ዔኪ ዬዓንዳጉዲ ታኣኮ ማዳ ማዳ ዓሶፓ ታኣኒ ዓይሂ ዳካዛ ዒዞ ዒዳ ዓቲኔ፤ ሂንዳ

ታኦም ከኤዙዋቴ፣ ዒዛ ታኦኒ ዋዴቴ ኮሺኬ ጋዓይ ዋጋ?» ጌይ ያኦጩኑ።

16 ዩካፓ ዘራ ዓሶፓ ፔቴህ፣ ሜሙካኔ ካኦቲንታ ዴኤፖ ቢታንታ ዓኣ ዓሶንታ ቤርታ ሂዚ ጌዔኔ፡- «ጎኔኬ፤ ጌኤሻ ዓሰዒና ቦርሲሴህ ካኦቲ ሌሊቱዋንቴ ዒዛኮ ደንዘ ማዔያ ቢታንታ ዓኣ ዓሶ ቢያኬ፤ ዩያ ሌሊቱዋንቴ ካኦቲ ዋይህ ዓጮይዳ ዓኣ ዓቲንቆዋ ቢያ ዒዛ ደውሲሴኔ። 17 ማይ ሃካፓ ሴካ ካኦቲ ዋይህ ዓጮይዳ ዓኣ ዓይጎ ለኣሊያ ጌኤሻ ዓሰዒና ማዴ ባኮ ቢያ ዋይዛዎ ዓኒ ቦሂህ ዓርቃንዳኔ፤ ዔያታ ዓኒንህ ኮራ፡- «ካኦቲ ዓርቃክሲሴ ጌኤሾ፣ ዓሰዒና ዒዛ ኮይላ ሙኮም ዔኤሌያኣና ዒዛ ዋይዘ ዒዒ ዓቲባኣዓዳ?» ጋዓንዳኔ። 18 ፓርሴና ሜዶኔና ካኦቱዋ ዓጮይዳ ዓኣ ቢታንታ ዓኣ ዓሶኮ ለኣላ ዩያ ጌኤሻ ማዴ ቦርሲሳ ማዴ ዋይዛዎ ሃኖ ዓባ ጌሉዋንቴ ዓኒንህ ፀ-ፃ ያቶርሙዋ ዓርቃንዳኔ፤ ዓጮይዳ ዓጮይዳ ዓኣ ለኣላ ዓኒንህ ቦንቾ ሃሻንዳኔ፤ ማይ ዓኒንህና ለኣሎና ዋላ ፀ-ራ ሌሊዋይ። 19 ካኦቲዮ! ዓካሪ ኔኤኒ ዔኤዓያ ማዔቴ ጌኤሻ ዓሰዒና ሃካፓ ሴካ ኔ ቤርቶ ፔቴታዎ ሺኢኩዋጉዲ ለኣጋ ከኢታ ኬሴ፤ ዩይ ፔቴታዎ ለኣሚንቱዋዎ ደዲ ናኣናና ዴዓንዳጉዲ ፓርሴና ሜዶኔና ካኦቱዋ ዋጎይዳ ፃኣፒንታንዳጉዲ ዓይህ፤ ዓሰዒናኮ ካኦቱዋ ማኣሮ ቦንቾ ዒዛፓ ዔኪ ሜሌ ዒዛፓ ባሼ ማዔ ለኣለም ዒንጌ። 20 ኔኤኒ ኬሲ ደኬ ዓይህፃ ኔኤኒ ሚርጌና ዴኤፒ ማዒ ዋይህ ዓጮ ቢያይዳ ፔቴና ኬኤዘንታዛ ፔቴ ፔቴ ለኣላ ፔኤኮ ዓኒ ያርጎቺ ማዔታቴያ ማንቆታቴያ ቦንቾ ናንጋንዳኔ።»

21 ካኦቲንታ ዒዛኮ ደንዘ ማዔ ቢታንታ ዓኣ ዓሳ ቢያ ዩኖ ጌኤዘ ዋዛና ዔኬኔ፤ ዩያ ሜሙካኔ ኬኤዜ ሃይሶ ካኦቲ ዋይዚ ዔኪ ማዶይዳ ፔኤሼኔ። 22 ዩያሮ ካኦቲ፡- «ፔቴ ፔቴ ማኣሮይዳ ዓኒ ማዒ ዓኣህ ፔ ማኣሮይዳ ቢታንቶ ዓኣ ዓሲ ማዒ ጌሰታኒ ደንዳዓያ ማዎም!» ጋዓ ዓይሥህ ኬሲ ዲማ ዲማ ሙኡጮና፤ ሃህ ሙኡጮ ፃኣፖ ዳምቦናኣ ገኢጊሺንቲ ዒዛ ዓጮ ቢያ ሄላንዳጉዲ ደኬኔ።

## 2

### ዓለተኛ ጌኤሾ ማዒያ

1 ዳካ ዋርቁም ካኦቲኮ ዳጋ ማዔሰካፓ፣ ጌኤሻ ዓሰዒና ማዴ ባኮና ዒዛይዳ ኬሲንቴ ዓይህያ ዋጎ ካኦቲ ማሊህ ዓርቁኔ። 2 ዩያሮ ካኦቲኮ ደንዘ ማዒ ዒዛ ዘራ ዓሳ ሂዚ ጋዓ ማሊህ ዒዛም ሺኢሼኔ፡- «ሚዛጲ፡ ኩሙህ ዉዲሮ ናይ ኔኤም ኮይንቴቴ ቃራኬ፤ 3 ኔኤኒ ካኦታዲ ዋይህ ዓጮ ጋርይዳ ዓጮ ዓጮ ሱኡጌ ማዒ

ዓሲ ደኑሪንቴም ሚዛጲ ወዲሮ ናይ ዔያታ ደኑሪ ዔኪ ዔኪ ኔኔኒ ካኣታቲ ዴዔ ካታሞ፥ ሱኡሳይዳ ኔኤም ጌዒ ዲማሲ ጌሦ ላኣላ ናንጋ ቤዘ ዔኪ ሙኮንጎ፤ ዴያቶ ላኣሎ ቢታንቶና ዎይሣንዳጉዲ ኔኔኒ ደኑሪ፥ ዓሸቲንቂ ማዳ፥ ሄጋዬ ዛጊ ካፖንጎ፤ ዔያታ ኮሺ ሚዛጲንዳጉዲ ቶኦኮ ዔያቶኮ ዛጊ ዲማ ዲማ ባኣዚ ዔያቶም ማዳንቶንጎ። 4 ዔያቶ ባኣካፓ ዑሣ ዓኣዳ ኔኔኒ ናሽካዘ ደኑሪጋፓ ዓሰፂኖ ቤዘ ጌኤሾ ማሄ» ጌዔኔ።

ዬይ ዘራ ኮሺ ማዔሣ ዛጊ፥ ካኣቲ ዔካፃ ዒማይዴ።

5 ዒማና ሱኡሳ ካታሞይዳ ናንጋያ፥ ሜርዴኪዮሴ ጌይንታ ዓይሁዳ ዓሲሰኬይ ዓኣኔ፤ ዒዚ ያዒሬ ናይ ማዔያ ቢኢኒያሜ ፃጶኮ ቂኢሴና ሺምዒና ዜርሣኬ። 6 ባብሎኔ ካኣቲ፥ ናብካዳናጶኦሬ ዩሁዳ ካኣቲ ዒኮኒያኔንታ ሜሌ ዲቢ ዓሲንታ ዎላ ዩሩሳላሜፓ ዲዒ ዔኪ ዴንዴያና ዴያቶ ዓሶ ባኣካ ዒዚ፥ ዬይ ሜርዴኪዮሴ ዓኣኔ። 7 ዒዚ ዔብሬ ዓሶ ሙኡጮና ሃዳሳ ጌይንታያ ዒዛኮ ዓደ ጌኤዚ ናይ ዓሰቲሮ ጌይንታሰኬና ዜኤሪ ናይታንቴ ዲቻኔ፤ ዒዛኮ ማላሣና ዔጶና ኮሺ ሚዛጲ ወዲሮ ናይኬ፤ ዒዘ ሾዔ ዓሳ ሃይቁማፓ ዓርቃፃ ሜርዴኪዮሴ ዒዘ ፔ ማኣራ ፔ ናይ ማሂ ዛጊ ዲቹኔ።

8 ካኣቲ ወዲሮ ናኣቶ ኮዒያ ኪኢቶ ዳካኣና ዔኪ ሙኮና ወዲሮ ናኣቶ ባኣካፓ ፔቴዘ ዬኖ ዓሰቲሮኬ፤ ዒዛ ዒማና ካኣቲሞ ማኣሪ ዔሙቲ ዴንዲ ሚዛጲ ላኣሎ ዲማሲ ናንጊሾ ቤዘይዳ ዓኣ ላኣሎኮ ሱኡጌ ማዒ ዎይሣ፥ ሄጋዬ ዛጊ ዒዘ ቆላንዳጉዲ ዒንጊንቴኔ።

9 ዓሰቲራ ሄጋዬ ኮሺ ዎዛሳያ ማዔኔ፤ ዒዘ ቤርታ ዒዛ ቦንቹንታ ዓሲ ማዒ ጶዴኔ፤ ዬያሮ ዒዚ ኔጉዎፃ ቃራ ሙኡዚ ዒዘም ዒንጊንታንዳጉዲ፥ ሃሣ ዒዘኮ ዑፃ ዲማ ዲማ ቲሽኮ ባኣዚና ቲሽኪንቲ ጊኢጌም ሚዛጲ ማዒ ዒዛ ዴዓንዳጉዲ ዓይሣኔ፤ ካኣቲም ደኑሪ ጌሦና ላኣላ ናንጋ ማኣሮፓ ዑሣ ዓኣዳ ቃራ ማኣሪ ደኑሪ ዒንጊ ካኣቲሞ ማኣሮይዳ ማዳም ዲማሲ ኬሶና ላኣሎፓ ላንካይ ላኣሊ ዒዘም ማዳንዳጉዲ ደኑሪ ዒንጌኔ።

10 ሜርዴኪዮሴ ቤርታ ዓሰቲሮም ኬኤዚ ሃሽሣሮ ዒዛ ዓይሁዳ ዓሲ ማዒያ ዓሲም ኬኤዙዎፃ ዓኣቹ ዓርቂኔ፤ 11 ዓሰቲራ ዎዚ ዓኣቲያ፥ ዒዘም ዓይጌ ማዳንታንዳቲያ ዎይዚ ዔራኒ ቢያ ኬሊ ደኑሪንቴ ላኣላ ናንጋ ኬኤፃኮ ጶኦኮና ሴካ ሃንጋ ሜርዴኪዮሴ ሃንታኔ።

12 ዬና ደኑሪ ጌሦ ላኣላ ካኣቲ ኮራ ሺኢካንዳሣኮ ቤርታ ቃራ ባኣዚ ዔያቶም ማዳንቲ ማዳንቲ ፔቴ ለዔ ጉቤ ዴዓኔ፤ ዬይ ያዲ

---

2:6 2:6 2ካኣቶ. ማ 24:10-16፤ 2ዎኦሲ. ዓሃኬ 36:10።

ማደጎታህ 0-፩ ዔይቶኮ ሚዛጲ ገኢጋንዳጉዲኬ፤ ዬያሮ ቤርታሳ ላሆ ዓገኖ ከርቤና ዛይቴ ጌይንታ ቲሺና ቲሽኮኔ፤ ሃሃ ዓቴ ላሆ ዓገኖ ባልሳሜ ጌይንታ ቃራ ቲሺና ዔይቶ ቲሽኮኔ፤ ዩካፓ ፔቴ ፔቴ ወዲራህ ከሌና ከሌና ካኣቲ ዓርፃክሲሴ ኮይሎ ዔኪ ጌልዘኔ።  
 13 ዶኦሪንቴ ላኣላ ናንጋ ማኣሮይዳፓ ከሰኪ ካኣቲ ኮይላ ዴንዳኣና ዒዛ ማኣዓኒ ኮዔ ማኣዓ ዒንገገንታ። 14 ዩካፓ ዒዛ ዒባኖ ካኣቲና ዋላ ዋርቃዛ ዚሮ ጉቴ ገንሣ ዔኪ ሙኪ ዶኦሪንቴ ላኣላ ናንጋ ከኤፃፓ ፔቴ ከኤህ ጌልዘኔ፤ ዒኢካ ዬያ ካኣቲ ላኣሎኮ ሱኡጉ ማዒ ዋይሃ፣ ዓሽቲማህ፣ ሻዕሽጋዜ ዔይቶ ዛጋያ ማዔም ዴዓኔ፤ ካኣቲ ዬያ ላኣሎ ናሽኪ፣ ሱንፆ ዔኤሊ ዔኪ ሙኪባኣ ላኣሊ ላሚ ካኣቲ ኮይላ ሙኩዋሴ።

15 ዬያይዶ ጎይያና ዓሰተራ ካኣቲ ኮራ ጌላ ከላ ሄሌኔ፤ ዬና ዓሰተራ ዓቢሃይሌ ናይ፣ ሃሃ ዒዛ ፔ ናይ ማሂ ዲቻ ሜርዴኪዮሴኮ ዓዶ ጌኤዚ ናይ ማዔያኬ፤ ዒዛ ዛጋ ዓሶ ቤርታ ቢያ ቦንቺንታ ዓሲ ማዒ ጴዴያኬ። ዒዛ ካኣቲ ኮይላ ጌላኒ ከላ ሄላዛ ዒዛ ማኣዔህ ዶኦሪንቴ ሚዛጲ ላኣሎ ሱኡጋህ፣ ዓሽቲንቁ ማዳ፣ ሄጋዬ ማኣዓንዳጉዲ ዞሪ ማኣዓሂኬ፤ ዒዛ ሶኦጌ ማኣዓቱዋሴ። 16 ካኣቲ ዓርፃክሲሴ ካኣታዳንቴ ላንካሳ ሌዎኮ ቴቤቴ ጌይንታ ታዘጳሳ ዓገኖና ዓሰተሮ ካኣቲ ኮይላ ዓሳ ዔኪ ጌልዘኔ። 17 ካኣቲ ዒማና ሃንጎ ወዲራህዳፓ ቢያ ዒዛ ባሽ ናሽኬኔ፤ ዒዛ ሃንጎዋቶይዳፓ ቢያ ባሽ ካኣቲ ቤርታ ቦንቺንታያ ማዒ ጴዴኔ፤ ዬያሮ ካኣቲ ዒዛኮ ቶኦካ ካኣቱም ማኣራ ቦንቺ ዓጎ ባኮ ዔኪ ዓጋፆ ዓሰፂኖ ቤዛ ዒዛ ጌኤሾ ማሄኔ። 18 ዩካፓ ካኣቲ ዓሰተሮ ቦንቺ ዴኤፒ ሙኡዚና ዑሺና ገኢገሺሳፆ ዒዛኮ ዶንዞ ማዔ ቢታንታ ዓኣ ዓሶና ዴማ ዴማ ፓቆና ዓጮ ዋይሃ ዓሶና ቢያ ዔኤሌኔ፤ ዒዚ ካኣታዲ ዋይሃ ዓጮ ጋራ ዓኣ ዓጮ ቢያይዳ ዋዛ ቦንቺ ዓሳ ቦንቻንዳጉዲ ኪኢታ ዳኬኔ፤ ዒዚ ፔኤኮ ዓኣ ባካፓ ኮሹሞና ዒንጎ ዒንገሂያ ዓሶም ዒንጌኔ።

**ሜርዴኪዮሴ ካኣቲ ሹምፖ ዓውሴህ**

19 ኩሙዎ ወዲሮ ናኣቶ ካኣቲ ማኣሪ ላምዓሶ ዔኤሊ ቡኩሶዋኣና ሜርዴኪዮሴ ካኣቲ ማኣሮ ካሮ ጳኦኮይዳ ፔቴ ሱኡጋቶ ማዶ ዒንገገንቴም ዶኦሪንቴ ዴዒ ዓኣኔ። 20 ዓሰተራ ዬያ ሄላንዳኣና ዒዛ ዓይሁዴ ዓሲታህ ከኤዙዋዎ ዓኣቺ ዓኣኔ፤ ሜርዴኪዮሴ ዒዛም ዬያ ዒዛ ዓሲም ከኤዙዋጉዲ ላቲናኣኮኬ፤ ዒዛ ናይ ዓኣዎ ዒዛ ማኣራ ዲጫኣና ቢያ ባኣዚና ዓይሂንታሂጉዲ ዒማናኣ ዒዛም ዓይሂንቴኔ።

21 ሜርዴኪዮሴ ካክቱሞ ማኣሮ ካራ ዴዒ ዓኣነቴ ካኣተ ዋርቃ ኬኤያ ጌሎ ካሮ ካፓ፡ ቢግታኔንታ ቴሬሼ ጌይንታ ላምዖ ዓሲሰከንሣ ካኣቱሞ ማኣራ ዓሸቲንቁ ማዶ ማዳያታዖ ካኣተ ዓርፄክሲሴ ዒዲ ዋዳኒ ዋላ ዘርቴኔ። 22 ሜርዴኪዮሴ ዬያ ጌኖ ማሊያ ዔራዖ ጌኤሾ ዓስተሮሞ ኬኤዜኔ፤ ዒማና ዓስተራ ዬያ ሃይሶ ሜርዴኪዮሴፓ ዋይዜሣ ፔጋሲ ካኣቱሞ ኬኤዜኔ። 23 ዬካፓ ዬያ ሃይሶኮ ጎኑማ ዘገንታዛ ዬይ ባካ ጎኔ ማዒ ጴዳኔ፤ ዬያሮ ዬያታ ላምዖ ፑርቶ ዓሳ ሱዲንቲ ሃይቃንዳጉዲ ዋጊንቴሞ ዋዲንቴኔ፤ ዬይ ባካ ካኣተ ዘሎ ሃይሶ ፃኣፒ ጌሦ ቤዛ ፃኣፒንቲ ዴዓንዳጉዲ ካኣተ ዓይሣኔ።

### 3

#### ሃማ ዓይሁዴ ዓሶ ባይዛኒ ማሌ ጌኖ ማሊያ

1 ዬካፓ ካኣተ ዓርፄክሲሴ ሃሜዳታ ናኣዚ ዓጋጌ ዓሲ \* ማዔሣ፡ ሃማ ሃንጎ ቢታንታ ዓኣ ዓሶይዳፓ ቢያ ዑሣ ቢያሣ ዓይሣያ ማሃ ደኣሬኔ። 2 ካኣተ ፔ ዓጮይዳ ቢታንታ ዓኣ ዓሳ ቢያ ጉሞዓቲ ሃማሞ ዘገ ቦንቾ ዔኤላሣ ዔኤላንዳጉዲ ዓይሣኔ፤ ዬያሮ ቢታንታ ዓኣ ዓሳ ቢያ ዓይሣንቴ ጎይዖ ማዳኔ፤ ዬያይዳኒ ሜርዴኪዮሴ ሌሊ ዒፄኔ። 3 ካኣቱሞ ማኣራ ማዳ ቢታንቶና ዓኣ ዓሳ ሜርዴኪዮሴ ኮይላ፡- «ካኣተ ዓይሣ ዓይሣያ ኔኤኒ ዓይጎሮ ዒፄይ?» ጌዒ ጌዒ፡ 4 ቢያ ኬሊ ዒዚ ፔ ማሊያ ላኣማንዳጉዲ ዒዛ ዘራኔ፤ ዒዚ ጋዓንቴ ዔያቶሞ ዋይዘ ዒፄኔ፤ ዬያ ሌሊቱዋንቴ ዒዚ፡- «ታኣኒ ዓይሁዴ ዓሲ ማዔሣሮ ሃማሞ ታ ዚጋንዳያ ኮይሱዋሴ» ጌዒ ጋፒ ኬኤዜሣሮ ዬና ዘራ ዓሳ፡- «ሜርዴኪዮሴኮ ሃያ ዖቶርሙሞ ዋዲ ዘገ ገቡንደይ?» ጌይ ሃይሶ ዴኤፒሲ ሃማሞ ኬኤዜኔ። 5 ሜርዴኪዮሴ ዒዛሞ ጉሞዓቲ ዘገባኣሣ ሃማ ዋይዘዖ ዒናፓ ዳጋዳኔ። 6 ሃሣ ሜርዴኪዮሴ ዓይሁዴ ዓሲ ማዔሣያ ዔሪ «ዋዋዳንዳኔ» ጌይ ማላዖ ሜርዴኪዮሴ ሌሊ ዋዲፃ ዔኤቢ ማይንዲዋኣሣ ማሊ ዔኤኔ፤ ዬያሮ ጉቤናፓርሴ ካኣቱሞ ዓጮይዳ ዓኣ ሜርዴኪዮሴ ዒጊኖ፡ ዓይሁዴ ዓሶ ቢያ ዋዳንደ ካራ ኮዔኔ። 7 ዓርፄክሲሴ ካኣታዳንቴ ታጶ ላምዓሳ ሌዖኮ ኒሳኔ ጌይንታ ቤርታሳ ዓጊኖና «ፑሪሜ» ጎይዖ ዲማሲ ዔራኒ ዓጎ ባካ ዓጊንቶ ዓርቃንዳጉዲ፤ ሃሣ ዓይሁዴ ዓሶ ባይዛኒ ማሎና ማሊያ

\* 3:1 3:1 ዓጋጌ ዓሲ፡- ዬይ ዓጋጌ ጎይሣ ዓማሌቁ ዓሶ ካኣቲከ፤ ዬያ ዓሣ ፃጶ ሚናንካፓ ዒሲራዔኤሌ ዓሶና ዋላ ሞርኬ ማዒ ናንጋያከ፤ ዖኦሲ ማሊያ ኬኤዛ ሳሙዔኤሌ ዬያ ካኣታሣ ዋዳያ ማዔሣሮ ሞርኮ ማዒፃ ዜርሣ ዘላና ማዓንዳኣፓዓቱሞ ሜርዴኪዮሴ ዒዲ ሌሊ ማዳናቱዋሴ (1ሳሙ. 15:33።)

ኩንሆንደህ ዋማ ዓገኖና ኬሎና ገኢጋንዳቴያ ዓሳ ዒፃ ዓጋንዳጉዲ ሃማ ዓይህኔ፤ ዬና ዒፃላ ዓዳሬ ገይንታ ታጾ ላምዓሳ ዓገኖኮ ታጾ ሃይህሳ ኬሎና ማዓህ ዒርዜም ዒማና ማዓንዳጉዲ ገሰቲ ዔቁሲንቴኔ።

8 ዬያር ሃማ ካአቲ ዓርፃክሲሴም፡- «ኔኔኒ ካአታዲ ዋይህ ዓጮይዳ ዲማ ዲማ ዓጮ ዜርቁንቲ ናንጋ ፔቴ ፃጲ ዳሬ ዓአኔ፤ ዬኖ ዳርኮ ማሌ ዓሰፓ ዲማ ዋጌ ዓአያኮ፤ ዬያ ሌሊቱዋንቴ ኔና ካአታህኮ ዋጎም ዔያታ ዓይህንቱዋያ ማዔኔ፤ ዬያር ዬያጉዳ ዳር ዘቲ ገይ ኔኔኒ ዛጌቴ ኔኔም ፑርታንዳኔ፡ ገኢጋዓኬ፤ 9 ካአቲዮ! ኔኔኒ ዔኔዓጎቴ ዬና ዳራ ሃይቃንዳጉዲ ዋጊሳንዳ ዓይሥህ ከኢታ ኬሰኮንጎ፤ ኔኔኒ ዬያይዳቴ ታአኒ ኔ ካአታዲ ዋይህ ዓጮይዳ ማዲንታ ባኮ ማዲሻንዳ ሃይሆ ፃኤታና ያይዲታሚ ሺያ ከሎ ማዓ ሹቹ ቢራ ገኢሪሽ ገልዛኒ ጫአቃኔ» ገዔኔ።

10 ዬያር ካአቲ ዒዚ ዓይህያ ኬሴያ ማዒያ ዔርዛ ዒዛኮ ኬኤሎ ዠራህ ማላታ ማዒ ኬሶና ዓይህያይዳ ጳርቁንታንዳጉዲ ዓጋጌ ዓህ፡ ሃማዳታ ናአዘ፡ ዓይሁደ ሞርካህ፡ ሃማም ዒንገኔ። 11 ካአቲ ዒማና፡- «ሚኢሽ ታ ኮዑዋሴ፤ ጋዓንቴ ዳር ናሽኬ ባአዚ ማማዴ» ገይ ዓይህኔ።

12 ዬያር ቤርታሳ ዓገኖኮ ታጾ ሃይህሳ ኬሎና ካአቲኮ ፃአፖ ባኮ ፃአፓ ዓሶ ሃማ ዔኤሊ ዔኪ ሙኩኔ፤ ዬካፓ ዬያታ ዓሳ ሃማኮ ዓይህያ ቢያ ዲማ ዲማ ፓቁንቴ ዓጮይዳ ፃአፖ ፕዳሎና ዲማ ዲማ ዳር ሙኡጮና ዓጮ ዋይህ ዋይህ ዓሶም፤ ሃህ ቢታንታ ዓአ ሱኡጎም ሱኡጎም ፃአፔኔ። ዬይ ፃአፒንቴ ዓይህያ ካአቲ ዓርፃክሲሴ ሱንያና ፃአፒንቴ ዒዛኮ ዠራህ ማላታ ማህ ገዳ ጳርቁንቴም ዳኪንቴኔ። 13 ዬያ ፃአፒንቴ ከኢቶ ጳሺ ሩኡሪና ጳሽካ ዓሳ ካአቲ ዋይህ ዓጮ ጉቤህ ሄሊሳንዳጉዲ ዓይህንቴም ዔኪ ዳንዴ፤ ዬኖ ዓይህያ ከኢቱሎይዳ፡- «ዳዳሬ ገይንታ ታጾ ላምዓሳ ዓገኖኮ ታጾ ሃይህሳ ኬሎና ዓይሁዳ ዓሲ ገይንታያ ቢያ፤ ዳጌ፡ ጋርቹ፡ ላአሊንታ ናይንታ ዓይሱዋያ ዋዲ ጋፒሲ ባይዙዋቴ!» ጋዓያ ዓአኔ፤ ሃህ፡- «ዔያቶኮ ዓአ ባካአ ቢያ ቡሪንቶንጎ!» ጋዓ ዓይሥህያ ዓአኔ። 14 ዬና ገይንቴ ኬሌላ ሄላዛ ዓሲ ቢያ ገኢጊንቴ ካፓጊ ፃአፒ ዳኮና ከኢቶ ዛጎም ጳኦኮይዳ ገህንታንዳጉዲ ካአቲ ዋይህ ዓጮ ቢያ ዓይህኔ።

15 ካአቲ ዓይህም ዬና ከኢቱላ ካአቲ ካአታዲ ዳዒ ዓአ ካታም ሱኡሳይዳ ዓሲ ቢያ ዛጋንዳጉዲ ገህንቴኔ፤ ጳዠ ጳሽካ ሩኡር ዓሳአ ካአቲ ዓጮ ቢያ ዬያ ከኢቶ ሄሊሴ፤ ዬያር ካአቲ ካአታዲ ዓአ



ሱኡሳ ካታማ ጎይሢ ሳይዚ ዓኣንቴ ካኣተና ሃማና ፔቴ ቤሰካ ዴዒ ዎይኔ ዑሽ ዑሽካኔ።

# 4

ዓስቲሮ ዔይቶ ማኣዳንዳጉዲ ሜርዴኪዮሴ ያእጩሢ

1 ሜርዴኪዮሴ ዬያ ማዲንቴ ባኮ ቢያ ዎይዛዎ ያዩ ፔኤኮ ማኣዳሢ ዳርዘኔ፤ ዩካፓ ሲዬ ፓቲሌ ማይንቴ ቶኦካ ፔኤኮ ዲቢንሢ ዎሂ ዑኡዞ ዴጊዲ ዲላቲ፣ ዲናፓ ዩኤኪ ዩኤኪ ካታሞ ጌሌኔ። 2 ዓይጎ ዓሲያኣ ማዎም ሲዬ ፓቲሌ ማኣዳ ካኣቱሞ ማኣሪ ጌሉዋጉዲ ላኣጋ ዎጌ ዓኣሢሮ ካኣቱሞ ማኣሮኮ ካሮ ሙኪ ሄላዎ ጋሮ ጌላኒ ዒ ዳንዳዒባኣሴ። 3 ካኣቲኮ ዓይሢዎ ኪኢታ ሄሌ ዓጮ ቢያሢዳ ዓኣ ዓይሁዶ ዓሳ ዴኤፕ ያዩሢ ያዩኔ፤ ዔይታ ሙኡዚ ሙውዎዎ ሃሽ፣ ዑኡዞዎ ፔኤኮ ዴጊዲ ዩኤፕ ዓርቄኔ፤ ባሽ ዓሳ ሲዬ ፓቲሌ ማኣዳ፣ ቶኦካ ፔኤኮ ዲቢንሢ ዎሂ ዴዔኔ።

4 ዓስቲሮም ማዳ ላኣሎንታ ዒዞ ካፓ ዓሽቲሞ ዓቲንቃኣ ሜርዴኪዮሴ ዬያ ማዳ ባኮ ቢያ ሙኪ ዓስቲሮም ከኤዛዛ፣ ዓስቲሮ ዲናፓ ያዩኔ፤ ሜርዴኪዮሴ ሲዮ ፓቲሎ ማይንቴሢ ሃሽ ማሌ ማኣዎ ማይንታንዳጉዲ ማኣዎ ዒዞ ዳኬኔ፤ ዒዚ ጋዓንቴ ዬያ ዒጻኔ። 5 ዩካፓ ዒዞ ካኣቱሞ ማኣሪ ዓሽቲንቁ ማዳ ዓሳ ባኣካፓ ዒዞም ሌሊ ባሽ ማዳንዳጉዲ ካኣቲ ዓይሢ፣ ሃታኬ ጎዎሢ ዔኤሊ ዔኪ ሙካዎ ሜርዴኪዮሴ ኮይላ ዎዎይቲቲያ ያእጩም ዳኬኔ። 6 ሃታኬ ዒማና ካኣቱሞ ማኣሪ ጌሎ ካሮ ኮይላ ዓኣ ዴሪ ቡካ ቤዞ ሜርዴኪዮሴ ባንሢ ሙኪኔ። 7 ዬያሮ ሜርዴኪዮሴ ዒዛይዳ ማዲንቴ ባኮ ቢያ ፓይዲ ፓይዲ ከኤዘኔ፤ ሃማ ዓይሁዶ ዓሳ ቢያ ዒዞም ሃይቃያ ማዔቲ ካኣቱሞ ማኣሮኮ ሜሆ ጌሃ ከኤዎ ዎማጉዴ ሚኢሽ ዔኪ ጌልዛንዳቲያ ካኣቲሞ ጫኣቄሢያ ጊዳ ከኤዘኔ። 8 ዓይሁዶ ዓሳ ኩርሳኒ ሱኡሳ ካታሞደዳ ጻኣፕንቴ ጌሃናሢፓ ዔኪ ጻኣፖናያ ሃታኬም ዒዚ ዒንጌኔ፤ ዬይ ካኣቲ ከሴ ዓይሢዎ ኪኢታፓ ዔኪ ጻኣፖናሢ ዓስቲሮም ዒዚ ዒንጋንዳጉዲና ማዲንቴ ባኮ ቢያ ዒዞም ከኤዛንዳጉዲ፤ ዬያጉዲ ሃሃ ዒዞ ካኣቲ ኮይላ ጌሊ ዒዞኮ ዴሮ ካኣቲ ማኣራንዳጉዲ ሽኢቆም ጌይ ከኤዛንዳጉዲ ሃዳርሴኔ። 9 ሜርዴኪዮሴ ጌዔ ባኮ ቢያ ሃታኬ ማዲ ኩንሢኔ፤ 10 ዓስቲሮ ገንሢ ሃሃ ሜርዴኪዮሴም ሃታኬ ዑፃ፡- 11 «ኔኤኒ ዔራሢጉዴያ ዓቲንቁያ ማዎም ላኣሊ፣ ዓይጎ ዓሲያ ዔኤሊንቱዎዎ ካኣቱሞ ማኣሮኮ ሳዛ ዓኣ ዴሪ ቡካ ቤዞ ጌላኒና ካኣቲ ዘጋኒ ማሌቲ ዎዎዶኔ፤ ዎፓ ያኣዴ ማዔሢ ካኣቲ ዞራ ዓሳፓ ዓርቃዎ ዴንዲ ዴሮ ሄላንዳኣና ያኣኒያ ዬያ ዔራያኬ፤ ዎጎ ጎይዎና ሃይቁዎዎ ዓታንዳሢ ዓይጎ ዓሲያ ማዎም



ዒኢካ ጌላዛ ካኣቲ ፔኤኮ ዋርቆ ኮኦሎ ባንሢ ሎይሴ ዓሶማ ሌሊኬ፤ ታኣኒ ካኣቲ ኮይላ ጌላኒ ዔኤሊንቴንቴ ሃይሢታሚ ኬሊፓ ዑሣ ዓኣዳኔ» ጌይ ኪኢታ ማሃ ዳኬኔ።

12 ሜርዴኪዮሴ ዓስተሮ ኪኢቶ ዔኬሰካፓ፤ 13 ጊንሣ፡- «ኔኤኒ ካኣቲሞ ማኣሮይዳ ናንገኒ ዳንዲዲያና ሜሌ ዓይሁዶ ዓሳ ጋፔሞ ኔኤኒ ቶሊ ዓታንዲያ ኔኤሞ ማሎፓ፤ 14 ሃያጉዴ ባኣዚ ሙካኣና ቦሃ ኔኤኒ ዚቲ ጌዔቲ ዓይሁዶ ዓሶም ሜሌ ቤሰካፓ ማኣዳ ሙኪ ዓታዓኬ፤ ዔያታ ዳቃንዲሢ ዔርቲያኬ፤ ጋዓንቴ ኔኤኒ ሃይቃንዲኔ፤ ኔ ዓዶ ማኣሮኮዋ ሱንፃ ባይቃንዲኔ፤ ጎዖንቴ ሂንዳ ማሌ፡ ኔኤኒ ጌኤሾ ማዔሢ ሃያ ማቶይዳ ኦኡኒ ጌላኣና ኦና ማኣዶም ማድናቴያ ዓሬይ?» ጋዓ ላቲሢ ኪኢታ ዳኬኔ።

15 ዲማና ዓስተሮ ሜርዴኪዮሴም፡- 16 «ዴንዲ ሱኡሳይዳ ዓኣ ዓይሁዶ ዓሶ ፔቲይዳ ቡኩሴ፤ ዋለም ኬኤዚጋፓ ሙኡዚ ሃሻዖ ታኣም ሺኢቁዋቴ፤ ዴንዲ ሃይሣ ሮኦሪና ዋንቴና ማዓንዳኣና ዓይጎ ሙኡዚያ ሙይፖቴ፡ ዓይጎ ዑሺያ ዑሽኪፖቴ፤ ታናንታ ታኣም ማዳ ላኣሎንታ ኦዋ ዲማይዳንዲኔ፤ ዩካፓ ዓካሪ ዋጋ ዓይሠዋያ ማዔቴያ ጫርቁ ካኣቲ ኮይላ ታ ጌላንዲኔ፤ ታ ዩያይዲዳና ሃይቁቴያ ሃይቁንጎንጎ!» ጌይ ኪኢቲ።

17 ዩያሮ ሜርዴኪዮሴ ዴንዲ ዓስተሮ ጌዔ ባኮ ቢያ ማዴኔ።

### 5

#### ዓስተሮ ካኣቲንታ ሃማንታ ሙኡዚሮ ዔኤሌሢ

1 ዓስተሮ ሙዖ ሃሺማፓ ሃይሣሳ ኬሎና ካኣቶ ማኣሮ ማኣዓሢ ማይንቴ ካኣቲሞ ዖይታ ዓኣ ኬኤዖኮ ቤርቶ ዛላ፡ ካኣቲሞ ማኣሮ ሳዛ፤ ዓሳ ቡካ ቤዛ ጌሊ ዔቁኔ፤ ዲማና ካኣቲ ዩኖ ኬኤዖ ጌሎ ካሮና ፒዜ ጊኢጊሺ ጌሦና ካኣቲሞ ዖይታ ዴዒ ዓኣኔ። 2 ዓስተሮ ዩኖ ኬኤዖኮ ዙላ ሙኪ ዔቁሢ ካኣቲ ዴንቃዖ ዲዛ ቦንቺንታ ዓሲ ማዒ ዲዛም ጴዴሢሮ ዋርቆ ኮኦሎ ዲዛ ባንሢ ሎይሴኔ፤ ዩያሮ ዲዛ ባንሢ ዶጪ ዋርቆ ኮኦሎኮ ቤርቶ ካኣሜኔ። 3 ካኣቲ ዲዛ ኮይላ፡ «ዓስተሮ፡ ኔ ዓይጋ ሙኬይ? ኔ ኮዓ ባኮ ታኣም ኬኤዜ፤ ታ ካኣታዲ ዋይሣ ዓጮኮ ሄካሢታቴያ ታ ኔኤም ዓንጋንዲኔ» ጌዔኔ።

4 ዓስተሮ፡- «ካኣቲዮ! ኔኤኒ ዔኤዓያታቴ ሃኖ ዲባኒ ታኣኒ ጊኢጊሻንዳ ካዋሢ ሙዓኒ ኔናንታ ሃማንታ ሙኬቴ ታኣም ቃራኬ» ጌዔኔ። 5 ዩካፓ ካኣቲ ዑካዲ ሃማ ዔኤሊሳዖ ዓስተሮ ጊኢጊሺ ካዋሢሮ ዴንዲኒ ዔያቶ ኮይሳሢ ኬኤዜኔ፤ ዩያሮ ካኣቲና ሃማና ዓስተሮ ጊኢጊሺ ሙዖ ቤዛ ዴንዴኔ። 6 ዲኢካ ዔያታ ዋይሮ ዑዦ ዑሽኪቤቃ ካኣቲ ዓስተሮ ኮራ፡- «ዓይጎ ባኣዚያ ማዖም ኔ ኮዔ ባኣዚ

ታና ያኦጩ። ታ ኩንሣንዳኔ፤ ታ ካኦታዲ ወይህ ዓጮኮ ሄካሢያ ማዎም ኔ ያኦጩቱ ታ ዒንጋንዳሢ ዔርቲያኩ!» ጌዔኔ።

7-8 ዓስተራ ዒዛም ማሃዎ፡- «ኔና ቦንቸንቴ ካኦታሢ ቤርታ ታኦኒ ቦንቸንታ ዓሲ ማዔም ያኦጩ ባኦዚ ቢያ ኔ ኩንሣኒ ዳንዳዓያ ማዔቲ ዚሮ ገንሣ ታኦኒ ገኢገሻንዳ ካዋሢዳ ኔናንታ ሃማንታ ሙካንዳጉዲ ታ ዒንሢ ቦንቸ ሺኢቃኔ፤ ዒማና ታኦኒ ኮዓ ባካ ዓይጎታቲያ ፔጋሲ ኔኤም ኩኤዛንዳኔ» ጌዔኔ።

**ሃማ ሜርዴኪዮሴ ዎዳኒ ማሊ ገኢገንቴሢ**

9 ሃማ ዬያ ሙዎና ዑዠናገገ ኩሰኪ ዴንዳኦና ዒናገ ዎዛዲ ዎዛዲ ዴንዴኔ፤ ጋዓንቴ ዒዚ ካኦቱም ማኦር ጌሎ ካሮ ኮይላ ሜርዴኪዮሴ ዴይ ዓኦንቴ ዴንቄኔ፤ ዒዚ ዒኦኦና ዴንዳኦና ዴዔ ቤዛገ ዔቁ ሜርዴኪዮሴ ዒዛ ቦንቸባኦሢ ዛጋዎ ዒናገ ሰጋዴኔ፤ 10 ጋዓንቴ ዒዚ ዬያ ዳጎ ሜታዲ ገቢ ፔ ማኦሪ ዴንዲ ሄሌኔ፤ ዬካገ ዒዛኮ ላጎ ዒዛ ማኦሪ ሙኮም ዔኤሊሳዎ ዒዛኮ ማቻ፡ ዜሬሻ ዔያቶና ዎላ ዴዓንዳጉዲ ዓይሄኔ። 11 ዒዚ ዒማና ዒዛኮ ያርጎቹምንታ ናኦቶንታኮ ዲቡሞ፤ ሃሣ ካኦቲ ዒዛም ቢታንቶ ዴገዲ ዒንጌ ጎይዎንታ፡ ሜሌ ቢታንታ ዓኦ ዓሶገ ዒ ባሼ ማዒዎ ያቶርሙሞና ሄርሺ ሄርሺ ዬያ ዓሶም ኩኤዜኔ፤ 12 ሃሣ ዒ ቃሲ ኩኤዛዎ፡- «ዬያ ሌሊቱሞንቴ ጌኤሻ፡ ዓስተራ ገኢገሼ ሙዎይዳ ካኦቲና ታኦና ሌሊ ዒዛ ዔኤሌኔ፤ ሜሌ ዓይጎ ዓሲያኦ ዔኤሊባኦሴ፤ ዚሮ ገንሣ ሃሣ ዒዛ ሙኤዚ ሙዎም ኦና ዔኤሌኔ፤ 13 ጋዓንቴ ዬይ ዓይሁዶ ዓሢ፡ ሜርዴኪዮሴ ካኦቱም ማኦር ጌሎ ካሮ ኮራ ዴዒ ዓኦንቴ ታ ዛጋዛ ሃይ ታኦኮ ቦንቸና ዴኤፑሞና ዔኤቢ ታኦም ማሎ ዒዳኔ» ጌዔኔ።

14 ዬያሮ ማቸንታ ዒዛኮ ላጎንታ ቢያ፡- «ዎዶሱማ ደንገታሚ ዎዳ ማዔ፡ ዓሲ ሱሎንዶ ሚሢ ገኢገሺጋገ ዚሮ ጉቲ ሜርዴኪዮሴ ሱፃኒ ካኦቲ ያኦጩኒ ኔ ዳንዳዓኔ፤ ዬካገ ዓካሪ ዎዛና ሙዎ ቤዛ ዓኦዴቲራ» ጋዓ ማሊሢ ሺኢሼኔ። ዬይ ዙራ ሃማም ኮሺ ማዔሢ ዒዚ ዛገ ዔኪ ሱዎንዶ ሚዎ ገኢገሼኔ።

**6**

**ካኦቲ ዓርፃክሲሴ ሜርዴኪዮሴ ሱኤጌ ማሢ ዶኦሪሢ**

1 ዬዮ ዎንቴሎ ካኦቲኮ ማሊሢታዎ ገንዎ ባይዜሢሮ ካኦቱም ማኦራ ፃኦፒ ፃኦፒ ጌሦና ሃይሶ ዓጎ ዒዛም ናባባንዳጉዲ ዓሶ ዒዚ ዓይሄኔ። 2 ናባቢንቴ ሃይሶ ባኦካ ካኦቲ ናንጋ ኩኤዎ ካገ፡ ቢግታኔና ቲሬሼ ጌይንታ ዓሸቲንቁ ካኦቲ ማኦራ ማዳ ላምዎ ዓሶንሢ ካኦቲ

ዎዲነ ማሌ ጌሮ ማሊዎ ሚርዴኪዮሴ ዔሪ ኬኤዚ ቶሊሴ ሃይሴ ጴዴ።<sup>3</sup> ዬያሮ ካአተ፡- «ሂዳዎ ሚርዴኪዮሴ ዬያ ማዳሂሮ ኑ ዒዛሞ ዓይጎ ለንቸ ዒንጊ ዴኤፒሴይ?» ጌይ ያኦጩኔ።

ዒዛሞ ማዳ ዓሳ፡- «ዒዛሞ ማዳንቴ ባአዚ ፔቴታዎ ባአሴ» ጌዔ።

<sup>4</sup> ካአተ ገንሣ፡- «ካአቱሞ ማኣሮይዳ ታኣኒ ዒንጌ ቢታንቶና ዓኣ ዓሰፓ ሃካ ዓሲ ዓኣ?» ጌይ ያኦጩኔ።

ሃማ ዒማና ዒኣኒ ገኢጊሹ፣ ሱዎ ሚያይዳ ሚርዴኪዮሴ ሱፃኒ ካአተ ያኦጩሮ ካአቱሞ ማኣሮይዳ ዓሳ ቡካ ቤዞ ጌሎ ጌላ፤

<sup>5</sup> ዬያሮ ካአቱሞ ማዳ ዓሳ፡- «ሃይሾ ሃማ ኔና ዔኤቢ ያኦጩኒ ኮዓ፤» ጌዔ።

ካአተ ዔያቶሞ፡- «ሃኒ ጌሌ፣ ጎውዋቴ» ጌዔ።

<sup>6</sup> ሃማ ካአተ ኮይላ ጋሮ ጌላዛ፣ ካአተ ዒዛ ኮራ፡- «ታኣኒ ዴኤፒሴ ለንቸሳኒ ኮዔ ፔቴ ዓሲ ዓኣ፤ ዬያ ዓሂሞ ታ ዓይጎ ማዳቴ ቃራዳይ?» ጌይ ያኦጩኔ።

ሃማ፡- «ካአቱ ታና ለንቸሳንዳሰካይ! ሚሌ ዓይጎ ዓሲ ዓኣ?» ጌይ ፔ ዒኖና ማሌ።

<sup>7-8</sup> ዬያሮ ካአቱሞ፡- «ዬያጉዴ ዓሂሞ ካአቱሞ ማኣዎ ኔኤኒ ማኣዔዘንሂ ዔከ ዬዓንዳጉዲ ዓይሂ፤ ኔኤኒ ቶጌ ፓራሂኮ ቶኣካ ካአቱሞ ለንቸሞ ዓጎ ማላቶ ዓሶ ዓጊሲሴ፤<sup>9</sup> ዴኤፓ ሱኡጋፓ ፔቴ ዓሲ ዔኤሊሲ ዔከ ሙኡሴ፤ ዬይ ዓሂ ካአቱሞ ማኣዓሂ ዒዛ ማይሴ፣ ገኢጊሾና ፓራሂያ ቶጊሲ ዒዛኮ ቤርታ ቤርታ ካታሞይዳ ዓሳ ቡካ ጳኦኮ ኬሰኮንጎ፤ ላምዓሂ ዎላ ዴንዳኣና ዬይ ፓራሂኮ ቤርታ ዓኣዳ ሱኡጋሂ፡- «ካአቱ ለንቸሳኒ ኮዔ ዓሂ ጎኦቢሹ ጎይዎ ዛጉዋቴ!» ጌይ ጌይ ዒላቶንጎ» ጌዔ።

<sup>10</sup> ካአተ ዒማና ሃማሞ፡- «ቃራኬ፣ ሂንዳ ዑካዲ ሩኡሬ፤ ካአቱሞ ማኣዓሂንታ ፓራሂንታ ገኢጊሹ፣ ዬያ ኔ ሃሂ ለንቸሲ ዴኤፒሴ ጎይዎማ ዓይሁዶ ዓሂ ሚርዴኪዮሴም ማዳ፤ ዒዚ ሃሂ ካአቱሞ ማኣሪ ጌሎ ካሮ ኮይላ ዴዒ ዓኣሂሮ ኔ ሃሂ ታኣሞ ኬኤዜ ባካፓ ፔቴታዎ ዓይሱዎዎ ሲያ ጋፒሲ ዒዛሞ ማዳ» ጌይ ዓይሂ።

<sup>11</sup> ዬያሮ ሃማ ካአቱሞ ማኣዓሂና ፓራሂያ ገኢጊሹሰካፓ ማኣዓሂ ሚርዴኪዮሴ ማይሴ፣ ፓራሂያ ቶጊሴ፤ ሚርዴኪዮሴ ፓራሂ ቶጋዛ ሃማ ዒዛኮ ቤርታ ቤርታ ዓኣዲ፡- «ካአቱ ለንቸሳኒ ኮዔ ዓሂ ጎኦቢሹ ጎይዎ ዛጉዋቴ!» ጌይ ጌይ ዔከ ሃንቴ።

<sup>12</sup> ዬካፓ ገንሣ ሃሃ ሚርዴኪዮሴ ካአቱሞ ማኣሪ ጌሎ ካሮ ሙካዛ፣ ሃማ ዑሃ ዓኣዳ ለርሲንቴሂሮ ፔ ዓኣፓ ካሮ ዓፒላና

ጉኡሊንቲ ዑካዲ ፔ ማኣሪ ዴንዴ። 13 ዒኡካ ዴንዳፆ ዒዛኮ ማቸና ላጎናም ዒዛይዳ ማዲንቲ ቦርሲሳ ባኮ ቢያ ኬኤዜ፤ ዒዛኮ ማቸንታ ጨንጮ ማዔ ዒዛ ዘራ ላጎንሢንታ፡- «ማይ ኔ ኩቻ ኔኤኒ ኔኤኮ ቢታንቶ ሜርዴኪዮሴም ዒንጋኒ ዑኬኔ፤ ዒዚ ዓይሁዴ ዓሲ ማዔሢሮ ኔ ዒዛ ቃዛዓኬ፤ ኔና ዒ ባሺ ዓቱዋሴ!» ጌዔ።

ሃማ ሃይቃንዳጉዲ ዋጊንቲሢ

14 ዔያታ ዬያ ጌሰታ ጎይሢ ዓኣንቲ ካኣቱም ማኣራ ዓሸቲንቁ ማዳ ዓሳ ሙኪ ዓስተራ ዔኤሌ ሙፆ ቤዞ ዑኬና ሃማ ዔኪ ዴንዴ።

7

1 ዬያሮ ካኣቲንታ ሃማንታ ላምዓሲ ዓስተሮና ዋላ ሙይ ዑሽካኒ ዴንዴ፤ 2 ዔያታ ዋይሮ ዑዡ ዑሽካንቲ ካኣቲ፡- «ዓስተራ! ኔ ዓይጎ ኮባቲያ ታኣም ኬኤዜ፤ ኔ ኮዔ ባኣዚ ቢያ ታ ኔኤም ማዳንዳ፤ ታኣኒ ካኣታዲ ዋይሢ ዓጮኮ ሄካሢታቲያ ታ ኔኤም ዒንጋንዳ።» ጌይ ሃሃ ፆኦፎ።

3 ዓስተራ ዒማና፡- «ካኣቲዮ! ኔ ቤርታ ታኣኒ ቦንቸንታ ዓሲ ማዒ ጴዳያ ማዔም ሹሌዑሞና ታ ፆኦጮ ፆኦጪፆ ኔኤኒ ዔካኒ ዔኤዔቴ ታኣኒ ሃሢ ኮባሢ ታናንታ ታ ዴርንታ ሹምፔና ቶሊ ዓቲ ኦ ናንጋዳንጉዲኬ፤ 4 ሃይሾ ታናንታ ታ ዴርንታ ዋዲ ጋፒሲ ባይዚሢም ኦ ሻንቸንቲ፤ ኦ ዓይሌ ማዒ ሻንቸንቲያታቲ ታ ዘቲ ጋዒኒ ዳንዳዓያታንቲኬ፤ ዋይቲ ጌዔቴ ዋንዴ ዬያጉዴ ባኣዚታቲ ታኣኒ ካኣቲ ሜታሲንዲዋኣያታንቲኬ!» ጌዔ።

5 ዬካፓ ካኣቲ ዓርፄክሲሴ፡- «ዬያይዲ ጫርቃሢ ዋዚጉዴ ዓሲዳይ! ሃሢ ዬይ ዓሢ ዋካ ዓኣይ?» ጌይ ጌኤሾ፡ ዓስተሮ ፆኦጮ።

6 ዓስተራ፡- «ኦኡኮ ሞርኬ ማዒ ኦ ሃይቃንዳጉዲ ዋጌሢ ሃያ ፑርቶ ዓሢ፥ ሃማኬ!» ጌዔ።

ሃማ ዒማና ዋኦቶንዶ ጎይሢ ባይዚ ዲቃታፆ፡- ካኣቲና ጌኤሾናኮ ዓኣፓ ዓኣፓ ዛጊሢ ዓርቄ፤ 7 ካኣቲ ዒናፓ ዳጋዲ ሙፆ ሃሺ ዔቃፆ ዓኣ ኬኤፆፓ ዙሎ ኬሰኪ ካኣቱም ማኣራ ካራ ቱኮና ሚፆ ባኣኮ ዴንዴ፤ ሃማ ዬያይዴሢሮ ካኣቲ ዒዛይዳ ሜቶ ዓጋኒ ጋፒ ዔቄሢ ዒዚ ዔራፆፆ ዒዛ ሹምፖ ዓስተራ ዓውሳንዳጉዲ ሹኢቃኒ ጊንሢም ጋራ ዓቲ። 8 ዒዚ ዒማና ዓስተራ ዒዛ ማኣዳንዳጉዲ ጌይ ዒዛ ዴዒ ዓኣ፥ ቃሚፆ ሻኣሎይዳ ባሊቲና ሎኦሚ፤ ቱኮና ሚፆ ዓኣ ቤዛፓ ካኣቲ ማዒ ጋሮ ጌላንቲ ሃማ ዬያይዲ ዓኣሢ ዛጋፆ ዑሣ ዓኣዴ

ደጋዲ፡- «ሃይ ዓሢ ሃይሾ ታኣኮ ካኣቱሞ ማኣሮይዳ ታ ቤርታ ጌኤሾ ዓዓርቋኒ ኮዓ!» ጌዔኔ።

ካኣቲ ዩማ ጋጋዓማና ዓሸቲሚ ማዒ ካኣቲ ማእራ ማዳ ዓሳ ሃማኮ ዓኣፖ ካሮ ዓፒላና ካንቁ ዓኣቹኔ። 9 ዩያቶ ባኣካፓ ፔቲ ሃርቦና ጎምሢ፡- «ካኣቲዮ! ዩያ ሌሊቱሞንቴ ሃይ ሃማ፡ ኔና ሃይቢፓ ዓውሴ ማርዴኪዮሴ ሱዲ ዋዳኒ ገኢጊሾ ሚሢ ዒዛኮ ካራ ደቁንቲ ዓኣኔ፤ ዩያ ገኢጊሾና ሚፃሢኮ ምደሱማ ደንገታሚ ዋዳኬ» ጌይ ኬኤዜኔ።

ዩያሮ ካኣቲ፡- «ሃማ ዔኪ ዴንዲ ዒዞ ሚፃ ሱፁዋቱ!» ጌይ ዓይህኔ።

10 ሃማ ማርዴኪዮሴ ሱዳኒ ገኢጊሾ ሚፃይዳ ዓሳ ዒዞ ዔኪ ዴንዲ ሱዳኔ፤ ዩካፓ ካኣቲኮ ደጋ ማዔኔ።

# 8

## ዓይሁዳ ፔኤኮ ሞርኮ ምላካጉዲ ኬኤዚንቲሢ

1 ካኣቲ ዓርፄክሲሴ ዓይሁዳ ሞርካሢ፡ ሃማኮ ቆሎ ቢያ ዓማ ኬሎና ዓስተሮሞ ዒንጌኔ፤ ዓስተራኣ ማርዴኪዮሴ ዒዞኮ ዑኬ ዒጊኒ ማዔሢ ካኣቲሞ ኬኤዜኔ፤ ዩማፓ ዓርቃፃ ማርዴኪዮሴ ካኣቲ ቤርቶ ኬሰካንዳጉዲ ዓይሢንቲኔ፤ 2 ካኣቲ ፔኤኮ ዒዛሮ ማዒፃ ዔርዛ ማላታ ዓኣ ዠኢራሢ፡ ሃማ ኬኤላፓ ኬሲሲ ዔኬሢ ማርዴኪዮሴም ዒንጌኔ፤ ዓስተራኣ ሃማሮ ማዔ ባኮ ቢያ ማርዴኪዮሴ ሱኡጌ ማዒ ቆላንዳጉዲ ደኣሬኔ።

3 ሃሣ ጊንሣ ዓስተራ ካኣቲኮ ቶካ ሎኦሚ ዩኤኪ ዩኤኪ ሺኢቄኔ፤ ዒዞ ሺኢቄሢ፡- ዓጋጌ ዜርፃ ማዔሢ፡ ሃማ ዓይሁዳ ማዳኒ ማሌ ፑርቶ ጌኖ ላኣጊሳኒ ፔቲ ባኣዚ ካኣቲ ማዳንዳጉዲከ። 4 ዒማና ካኣቲ ዒዞም ፔኤኮ ሞርቆ ኮኣሎ ዳቄኔ፤ ዩያሮ ዒዞ ዒዛኮ ቤርታ ዔቃፃ፡- 5 «ካኣቲዮ! ኔና ሞዛሳያ ማዒ ጴዳቲ፤ ሃሣ ታኣማኣ ኔኤኒ ማላያ ማዔቲ ታ ኔኤም ሺኢሻ ማሊፃ ፒዜ ማዒ ጴዳቲ ታ ኔና ሺኢቃ ባኣዚ ዓኣኔ፤ ዩይ ዓይጎዳይ ጌዔቲ ኔ ካኣታዲ ሞይሣ ዓጮይዳ ቢያ ናንጋ ዓይሁዳ ዓሶ ጉቤ ባይዛንዳጉዲ ዓጋጌ ዜርፃሢ፡ ሃማዳታ ናኣዚ፡ ሃማ ዓይሢ ዳኬ ዓይሢፃ ላኣጊሻ ኪኢታ ኔ ኬሲ ዳካንዳጉዲከ። 6 ዩያጉዴ ባይሲንታ ታ ዴር ሃላኣና፤ ጊንሣ ሃሣ ታ ዒጊና ሞዳንታኣና ሞዲ ታ ገባንዳይ?» ጌዔኔ።

7 ዩካፓ ካኣቲ ዓርፄክሲሴ ጌኤሾ ዓስተሮና ዓይሁዳ ዓሢ ማርዴኪዮሴናም፡- «ሃማ ዓይሁዳ ዓሶም ማዳ ጌኖ ማዳ ዛሎር ሚፃይዳ ታ ዒዞ ሱዲሲ ዒዛኮ ዓኣ ቆሎሞ ቢያ ዓስተሮሞ ታ ዒንጌኔ፤ 8 ሃሢያ ማፃም ካኣቲ ሱንፃና ፃኣፒንቲ ባኣዚና ዠኢራሢ ማላቶ ጊዳ ዓይሆና ኪኢታ ማዳይዳ ፔኤቁሞፃ ዓቱሞኣሢሮ ዒንሢሞ ሃሢ

ኮሺ ማዒ ጳጳሪ ጎይዖም ማሌ ኪኢታ ካኣቲ ሱንዖና ፃኣፒ፣ ዠኪራህሂ ማላቶዋ ጊዳ ዓይሁዋቱ» ጌዔኔ።

9 ማርዴኪዮሴ ዒማና ካኣቲኮ ፃኣፖ ባኮ ፃኣፓ ዓሶ ቢያ ዔኤሌሊሲ ዓይሁድ ዓሶም፤ ሃሣ ጊንሣ ሂንዴ ዓጫፓ ዴንዲ ዒቶጲያ ሄላንዳኣና ዓኣ ጭታና ላማታሚ ላንካይ ማዓ ዓጮ ዋይሣ ዓሶንታ ዲማ ዲማ ቢታንታ ዓኣ ዓሶንታም ዳኪንታንዳ ኪኢታ ፃኣፒሴኔ፤ ዬና ኪኢታ፡-ፔቲ ፔቲ ዓጮኮ ሙኡጮና፣ ሃሣ ፃኣፒንታ ጎይዖና፤ ዬያጉዲ ጊንሣ ዓይሁድ ዓሶ ሙኡጮናኣ ፃኣፖ ጎይዖጉዴያ ፃኣፒንቲኔ፤ ዬይ ያኣጳ ማዲንቲህ ሲዋኔ ጌይንታ ሃይሣሳ ዓጊና ጭራንቲ ላማታሚ ሃይሣሳ ኬሎናኬ። 10 ማርዴኪዮሴ ዬያ ኪኢቶ ቢያ ካኣቲ ዓርጃስሲሴ ሱንዖና ፃኣፒሲ ካኣቲ ማኣራፓ ኬሰኬ ኪኢታ ማዒያ ዔርዘ ማላቶዋ ጊዳ ዓይሣኔ፤ ዬይ ኪኢቶ ዋርቃታ ካኣቲም ማኣርይዳ ዛጊ ሙኡዚ ዲቾና ሩኡሪ ጳሽካ ፓራሂ ቶጊ ጳሽካ ዓሶ ዑፃ ዳኪንቲኔ።

11 ዬና ካኣቲ ማኣራፓ ኬሰኬ ኪኢቲላ ዓይሁድ ዓሳ ናንጋ ካታዎይዳ ቢያ ቡኪንቲ ፔ ጊዳ ሙካ ባኮ ያሊ ማሃኒ ዳንዳዒሳ ቢታንቶ ዔያቶም ዒንጋያኬ፤ ዬይ ቢታንታ ዓይጎ ፃጲፓኣ ማዖም ዓጪፓ ዔያቶኮ ላኣሎንታ ናኣቶንታ ባይዛኒ ሙካ ያልዚ ዓሲ ዔያታ ያሊ ባይዛንዳጉዲ፣ ዋዲያ ጋፒሳንዳጉዲ፤ ጊንሣ ሃሣ ዔያቶ ሞርኮኮ ዓኣ ባኮዋ ዲዒ ዔካንዳጉዲ ዒንጊንቲያኮ። 12 ዬይ ካኣቲ ዓይሣያ ማዔ ዓይሣያ ዓዳሬ ጌይንታ ታጾ ላምዓሳ ዓጊኖኮ ታጾ ሃይሣሳ ኬሎና፤ ጊይፃ፡- ዓይሁዳ ዋዲንታንዳጉዲ ጌይንቲ ኬሎ ፓርሴ ዓጮ ካኣቲ ካኣታዲ ዋይሣ ዓጮ ጉቤሂዳ ፔጌና ኬኤዚንቲም ማዶይዳ ፔኤቃንዳጉዲ ዓይሣንቲኔ። 13 ዬይ ዓይሣያ ቢያ ዓጮይዳ ዋጌ ማዒ ዳርም ኬኤዚንቲም ዓይጎ ዓሲያ ማዖም ቢያ ዔራንዳጉዲ ማዲንቲኔ፤ ዔባ ቢያ ያኣጳ ማዔሣር ዬና ኬሌላ ሄላዛ ዓይሁድ ዓሳ ፔ ሞርኮ ኮሚ ኮይሳ ባኣዚ ማዶንዳጉዲ ዔያቶም ጊኢጋያ ማዔኔ። 14 ፓራሂ ቶጌ ዓሳ ዒማና ካኣቲ ዓይሣም ዬያ ኪኢቶ ዔኪ ፓራሂ ቶጋዖ ሩኡሪ ጳሽኬኔ፤ ዬይ ካኣቲ ዓይሣ ዓይሣያ ካኣቲ ካኣታዲ ዴዒ ዓኣ ካታዎ፣ ሱኡሳይዳኣ ዳርም ፔጌና ኬኤዚንቲኔ።

15 ማርዴኪዮሴያ ዒማና ጮልዔና ቦኣሬ ማዔ ካኣቲም ማኣራ ማይንቶ ማኣቶ ማይንቲ፣ ጋላፒ ዴኤፒ ኮኣቲ ጊዳ ማይንቲ፤ ሃሣ ማርጌ ማዛጲያ ቦንቾር ቶኣካ ዓሳ ባኮ ዋርቄና ኮሽና ዓጊ ካኣቲም ማኣራፓ ዓሶ ፔጎ ኬሰኬኔ፤ ዬያር ሱኡሳ ካታዎይዳ ዒላሸሂና ዋዛፓ ዔቄያና ዴግ ጌዔ ዑኡሲ ዋይዚንቲኔ። 16 ዬይ ዓይሁድ ዓሶም ኮሹሞና ዋዛና፤ ጊንሣ ሃሣ ቦንቾር ማዔኔ። 17 ዒማና ዓይጎ ዓጪዳኣ ማዖም ካታማይዳ ዬይ ካኣቲ ኪኢታ ናባቢንቲ ቤዘ

ቢያይዳ ዓይሁድ ዓሰም ጴጥ ኮሹሞና ዎዛና ማዕኔ፤ ዩያይዳፓ ዔቆያና ዓሳ ዓይሁድ ዓሰ ዒጊጩ ማሌ ዴሮ ማዕ ዓሰፓ ማርጌ ዓሰ ዓይሁድ ካአዠይዳ ጌሌኔ።

# 9

## ዓይሁዳ ፔኤኮ ሞርኮ ዎዲ ባይዘህ

1 ዓዳሬ ጌይንታ ዓጊኤሎኮ ታጾ ሃይህሳ ከላ ሄሌኔ፤ ዩና ከላ ዓይሁድኮ ሞርኮ ማዕ ዓሳ ቢያ ዓይሁድ ዓሰ ፔ ዴማ ጌልዘንዳጉዲ ካአቲ ዓይህህ ዓይህህ ኮንህህ ጊአጊንቲ ከሎኬ፤ ጋዓንቲ ዩይ ሃይሳ ጊንህ ሸርቲ ዓይሁድ ዓሳ ዔያቶ ያሊ ባሽ ከሊ ማዕኔ። 2 ካአቲ ካአታዲ ዎይህ ዓጩ ካታሞይዳ ካታሞይዳ ዓይሁድ ዓሳ ፔኤኮ ናንጎ ጉርዶይዳ ቢያ ዔያቶ ባይዘኒ ኮዓ ዓይጎ ዓሰዳአ ያልዚ ቡላኒ ዳንዳዓ ጎይህና ጊአጊንቲ ዴዔኔ፤ ቢያ ቤዛ ናንጋ ዴራ ጉቤ ዔያቶ ዒጊጩህሮ ዓይጎ ዓሰያአ ዔያቶ ያላኒ ጫርቁባአሴ። 3 ዩያ ሌሊቱሞንቲ ዓጩ ዓጩ ዎይህ ዓሰንታ ዴማ ዴማ ሱኡጎንታ ካአቲ ዶኦ ፔ ማዶም ጌህ ዓሳአ ጉቤ ዓይሁድ ማአዴ፤ ዩያ ዔያታ ማዶህ ማርዴኪዮሴ ዒጊጩኬ። 4 ማርዴኪዮሴ ካአቲ ካአታዲ ዎይህ ዓጩይዳ ካአቲሞ ማአራ ጴጥ ቢታንቶ ዒጊንጊንቲ ዓሰ ማዕህና ዎልቆዲያ ዶዲ ዶዲ ዴንዴህ ዔርቲኔ። 5 ዩያር ዓይሁድ ዓሳ ፔ ሞርኮ ኮዔ ባአዚ ማዳኒ ዳንዳዔኔ፤ ጩንቾ ዓፓሮናአ ዓሰ ዎዲ ዎዲ ኩርሴኔ።

6 ዔያታ ዒማና ካአቲ ካአታዲ ዴዔ፣ ሱኡጎ ካታሞይዳ ሌሊ ዶንጎ ጭታ ዓሰ ዎዲ ኩርሴኔ። 7-10 ዩያ ዎዲንቲ ዓሰ ባአካ፡- ፓርሻንዳታ፣ ዳልፖኔ፣ ዓሰፓታ፣ ፓራታ፣ ዓዳሊያ፣ ዓሪዳታ፣ ፓርማሽታ፣ ዓሪሳዬ፣ ዓሪዳዬንታ ዎይዘታ ጌይንታ ሃሜዳታ ናአዚ ዓይሁድኮ ሞርካህ ማዕ ሃማ ናአታአ ዓአኔ፤ ዓይሁድ ዓሳ ዩያ ቢያ ማዶፓ ጋዓንቲ ዓሰኮ ዓአ ባኮ ቡሪባአሴ።

11 ዩና ከሎ ዎዲንቲ ዓሰኮ ማርጌጉማ ዎአዴታቲያ ካአቲሞ ዒማና ከኤዚንቲኔ። 12 ዩያር ጌኤሾ፣ ዓስቲሮም ካአቲ፡- «ሃይሾ ዓይሁድ ዓሳ ታአኒ ካአታዲ ዴዔ ካታሞ፣ ሱኡጎይዳ ሌሊ ዎዴ ዓሰኮ ማርጌጉማ ሃማኮ ታጾ ዓቲንቆ ናአቶ ጊዳ ቃሶዛ ዶንጎ ጭታ ሄሌኔ፤ ዴማ ዴማ ዓጩ ዔያታ ዎዴ ዓሳ ዩያቶይዳፓ ዑህ ዓአዴ ባሹሞ ዓታዓከ፤ ሂንዳ ሃህህ ማሌ ኔ ዓይጎ ባአዚ ኮዓይ? ኔኤም ታ ከንህንዳኔ፤ ኔ ኮዓ ባኮ ታኤም ከኤዜ፣ ታ ዒንጋንዳኔ!» ጌዔኔ።

13 ዓስቲራ ዒማና፡- «ኔና፣ ካአቲ ዎዛሳያ ማዕ ዴዴያታቶ ሱኡጎ ካታሞይዳ ናንጋ ዓይሁድ ሃሮ ማዶማጉዲ ዚሮሞ ዒማይዶም



ዔያቶ ሂንዳ ዓይሄ፤ ሃሣ ሃማኮ ታጾ ዓቲንቆ ናኦቶ ሌዛ ሚሢዳ ሱዲንታንዳጉዲ ዓይሄ» ጌዔኔ።<sup>14</sup> ዩይ ቢያ ማዲንታንዳጉዲ ካኦቲ ዓይሄኔ፤ ሱኡሳ ካታዎይዳ ላሚ ሃሣ ኪኢታ ዳኪንቴኔ፤ ሃማኮ ታጾ ዓቲንቆ ናኦቶ ሌዛ ዓሲ ቢያ ዳንቃንዳጉዲ ፔጋኦ ሱዲንቴኔ።<sup>15</sup> ዩያሮ ዓዳሬ ጌይንታ ዓጊኔሎኮ ታጾ ያይዳሳ ኬሎና ሱኡሳይዳ ናንጋ ዓይሁዳ ሃሣ ዋላ ቡኪንቲ ያልዚም ጊኢጊንታዎ ቃሲ ሃይሃ ጭታ ዓሲ ዋዳኔ፤ ያዲ ዔያታ ማዳቴያ ዓሶኮ ዓኣ ባኮ ሃሣኣ ዔያታ ቡሪባኣሴ።

<sup>16</sup> ዩያይዲ ካኦቲ ዋይሃ ዓጮ ጋራ ዓኣ ዓይሁዳ ቢያ ፔቱሞና ዋልቆ ፔኤኮ ዶዲሺ ዔቂ ዔያቶ ባንሢ ሙካ ሞርኮ ፔኤኮ ያለኔ፤ ዔያቶ ዔፃ ዓሶፓ ላንካይታሚ ዶንጎ ሺያ ዓሲ ዋዳ፣ ዔያቶኮ ሞርኮ ኩጫፓ ፔና ዓይሴኔ፤ ያዲ ማዔቴያ ፔቱታዎ ዔያታ ዓሲኮ ዓኣ ባኣዚ ቡሪባኣሴ።<sup>17</sup> ዩይ ያዲ ማዲንቴሢ ዓዳሬ ጌይንታ ዓጊኖኮ ታጾ ሃይሃሳ ኬሎናኬ፤ ሄሊሴ ታጾ ያይዳሳ ኬሎና ጋዓንቴ ፔቱታዎ ዓሲ ዋዳዎ ዋዛ ኬሊ ማሂ ቦንቺ ዔያታ ፔኤቄኔ።<sup>18</sup> ሱኡሳ ካታዎይዳ ናንጋ ዓይሁዳ ጋዓንቴ ታጾ ሃይሃሳ ኬሎንታ ታጾ ያይዳሳ ኬሎንታይዳ ቢያ ዓሲ ዋዲ ፔኤቃዎ ታጾ ዶንጋሳ ኬሎና ሃውሼሢሮ ዩኖ ታጾ ዶንጋሳ ኬሎና ዋዛዲ ቦንቺ ፔኤቄኔ።<sup>19</sup> ሜሌ ዳኮ ዳኮ ካታዎይዳ ናንጋ ዓይሁዳ ዓዳሬ ዓጊኖኮ ታጾ ያይዳሳ ኬሎ ዋዛዲ ቦንቺ ኬሊ ማሂ ሙኡዚ ሙዒ፣ ዑሺያ ዑሽኪ፤ ጊንሣ ሃሣ ዋላም ሙዎ ባኣዚያ ዒንጊ ዒንጊ ቦንቺኔ።

**ፑሪሜ ጎዎ ቦንቺ ኬሎ**

<sup>20</sup> ሜርዴኪዮሴ ዩያ ማዲንቴ ሃይሶ ቢያ ፃኣፒ ፓርሴ ዓጮ ካኦቲ ዋይሃ ዓጮ ቢያይዳ ዑኬያ ማዎም ሃኬይዳ ናንጋ ዓይሁዳ ዓሶም ኪኢታ ዋርቃታ ዳኬኔ።<sup>21</sup> ሌዓ ሌዓ ዓዳሬ ዓጊኖኮ ታጾ ያይዳሳ ኬሎና ታጾ ዶንጋሳ ኬሎ ዋዛዲ ቦንቻንዳጉዲ ዔያቶም ዒዚ ኬኤዜኔ።<sup>22</sup> ዩንሢ ኬሎንሢ ዓይሁዳ ዓሳ ያልቲ፣ ፔ ሞርኮ ኩጫፓ ዓቲ ሃውሽ ዳንቄ ኬሊኬ፤ ዔያቶኮ ያይዳንታ ሃጋኣ ዋዛ ባኣ ዓሲ ማዒ ዔያታ ዳዔሢፓ ዋዛዳ ዓጊና ዒዚይዳኬ፤ ዩንሢ ኬሎንሢ ዔያታ ቦንቺ ሙኡዚያ ሙዒ፣ ዑሺያ ዑሽኪ ዑሽኪ ዋዛዲ፤ ሃሣ ጊንሣ ዋላም ሙዎ ባኣዚ ዒንጊ ዒንጊ፣ ማንቆ ዓሶማኣ ዔኤቢ ዒንጋንዳጉዲ ዔያቶም ኬኤዚንቴኔ።<sup>23</sup> ዩያሮ ዓይሁዳ ዓሳ ሜርዴኪዮሴ ዔያቶ ዓይሄ ዓይሢዎ ዔኬኔ፤ ዩያይዲ ዔርቲ ቦንቺዎ ሌዓ ሌዓ ቦንቻኒ ዔኤዔኔ።

<sup>24</sup> ዩኖ ዋድና ዓይሁዳኮ ሞርካሢ፣ ዓጋጌ ዜርፃሢ፣ ሃሜዳታ ናኣዚ፣ ሃማ ፑሪሜ ጌይንታ ዒፃሢ ዓጊ ዓይሁዳ ዓሲ ቢያ ዓጫፓ

ባይቃንዳጉዲ ባይዘንድ ኬሎ ዔራኒ ማሌኔ። 25 ጋዓንቴ ዓስተራ ካኣቲ ቤርቶ ሺኢኬም፣ ካኣቲ ዓይሥሢ ፃኣፒ ኬሲ ዳኬኔ፤ ዩይ ዓይሢፃ ማዴ ባካ ዓይጎዳይ ጌዔቴ ሃማ ዓይሁዶ ዓሶ ባይዘኒ ማሌ ጌኖ ማሊፃ ዓዛ ባንሢ ሺርሼኔ፤ ዒዛንታ ዒዛኮ ታጶ ዓቲንቆ ናኣቶንታ ሚሢዳ ዓሳ ሱጻኔ። 26 ዩንሢ ቦንቾ ኬሎንሢ «ፑሪሜ» ጌይንቴሢ ዩያርኬ፤ ሜርዴኪዮሴ ዳኬ ኪኢቶ ጎይዖና፤ ሃሢ ጊንሢ ዔያታ ፔ ዓኣፖና ዛጌ ባኮንታ ዔያቶ ሄሌ ባኮዋ ቢያ ዔያታ ማሊ ጶቂሢ። 27 ዔያቶንታ ዔያቶኮ ዜርዖንታ ዓይሁዴ ዓሲ ማዓኒ ኮዓ ዓሲም ቢያ ዳምቤ ማሂ ዩኖ ቦንቾ ዓርቄኔ፤ ዩያ ቦንቾ ሌዓ ሌዓ ጌይንቴ ዎዶማ ሄላዛ ሜርዴኪዮሴ ዔያቶ ዓይሢ ጎይዖና ዩንሢ ላምዎ ኬሎንሢ ዋሉዎዎ ቦንቻኔ። 28 ዩንሢ ፑሪሜ ኬሎንሢ ሸይንቶ ፃጶይዳ ፃጶይዳ፣ ፔቴ ፔቴ ማኣርይዳ፣ ዓጮይዳ ዓጮይዳ፤ ጊንሢ ሃሢ ካታዎይዳ ካታዎይዳ ቦንቻንታንዳጉዲ ጌይንቴኔ፤ ዩንሢ ኬላ ቦንቻንቴዎዎ ዓታኒ ኮይሱዋሴ፤ ዔያቶኮ ዜርዖ ዩያ ጶቂሢ ቦንቻ፣ ዩይ ቦንቻ ባይቁዋኣያ ማዓንዳጉዲ ማዲንቴኔ።

29 ዩያ ቢያ ባኮኮ ጊንፃ ዓቢሃይሌ ናኣ፣ ጌኤሻ፣ ዓስተራ ሜርዴኪዮሴና ዎላ ማዒ ፑሪሜ ቦንቾ ዛሎ ሜርዴኪዮሴ ቤርታ ፃኣፒ ዳኬ ኪኢቶ ዶዲሺ ዒዛኮ ዓኣ ቢታንቶዎ ዔርዛ ኪኢታ ዓርቄ ዋርቃታ ፃኣፒ ዳኬኔ። 30 ዩና ኪኢታ ፃኣፒንቴሢ ዓይሁዶ ዓሲም ፃኣፒንቴያ ማዓዛ ጊዳፓ ዔኪ ፃኣፖናሢ ጋዓንቴ ፓርሴ ዓጮ ካኣቲ ዎይሢ ዓጮይዳ ዓኣ ጻኤታና ላማታሚ ላንካይ ማዓ ዓጮም ቢያ ዳኪንቴኔ፤ ዋርቃቴሎኮ ጳኤፖ ኪኢታ ዓይሁዶ ዓሲም ኮሹዋንታ ቃራ ናንጊ ዔያታ ናንጋንዳጉዲ ዓኣ ማሊሢ ዓኣያኬ። 31 ዩኖና ዎላ ካንሢጋፓ ዩያኮ ቤርታ ሙኡዚ ሃሺሢ ዳምቤንታ ዎይሢ ዳምቤያ ዔያታ ኬሴ ጎይዖ ዩንሢ ፑሪሜ ኬሎንሢ ዔያቶዎ ማዎም ሃጊ ዔያቶ ጊንፃፓ ኬሰካንዳ ዜርዖኣ ሌዓ ሌዓ ቦንቻንዳጉዲ ዔያቶም ላታያኬ፤ ዩይ ዓይሢፃ ጌኤሾ፣ ዓስተሮንታ ሜርዴኪዮሴንታ ፔቴ ዓኒና ጊኢጊ ላምዓሢ ዳኬያኬ። 32 ፑሪሜ ቦንቻንድ ዎጎና ዳምቦና ዛሎ ኬኤዚንቴሢ ዶዲሻኒ ጌኤሻ፣ ዓስተራ ዳኬ ኪኢቶ ዓይሢፃ ዳማ ማዔ ቢራና ጌይንታ ማሪንታ ባኮይዳ ፃኣፒንታንዳጉዲ ማዲንቴኔ።

# 10

## ካኣቲ ዓርጻክሲሴና ሜርዴኪዮሴናኮ ቦንቻንቴ ጳኤፒዎ

9:24 9:24 ዓስተ. 3:7።

1 ካኣተ ዓርፄክሲሴ ዒዚ ካኣታዲ ዋይሣ ዓጮኮ ደንዲ ደኔፖ ባዘ ሱኮ ሃላንዳኣና ዓኣ ዓጮ ደሮ ቢያይዳ ገኢራ ዓገኔ። 2 ዒዚ ማዳ ደኔፖ ደኔፖ ባኮንታ ሄርሺሳ ባካ፣ ሜርዴኪዮሴያኣ ዒ ደግ ደገዲ ዋይቲ ቦንቸሴቲያ፣ ዩያ ባኮ ቢያ ኬኤዛ ሃይሴ ፓርሴና ሜዶኔ ካኣቶናኮ ሃይሳ ፃኣፒንታ ማፃአፓ ፃኣፒንቲኔ። 3 ዒማና ዓይሁዶ ዓሢ፣ ሜርዴኪዮሴ ቦንቸንታ ቢታንቶ ጎይፆና ካኣተ ዓርፄክሲሴፓ ሄሊሴ ለምዓሳ ዓሲ ማዕኔ፤ ሃሣ ዒዚ ዒዛኮ ዒጊና ዓይሁዶ ዓሳ ዒዛ ኮሺ ቦንቸ ናሽካ ዓሲ፣ ዒዛኮ ዒጊኖንታ ዜርፆንታ ኮሺ ናገጊ ናንጋንዳጉዲ ሚርጌና ላቢ ማዳ ዓሲ ማዕኔ።

**ጌሌዥ ማግኔግ**  
**The Holy Bible in the Maale language of Ethiopia,  
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዥ ማግኔግ**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929